

RECTORE MAGNIFICENTISSIMO
SERENISSIMO PRINCIPE AC DOMINO,
D O M I N O
FRIDERICO WILHELMO.
PRINCIPE PRUSSIAE, MARCHIONE BRANDEN-
BURGICO, RELIQUA,

P R A E S I D E
FRIDERICO HOFFMANNNO,
ORDINIS MEDICI h. t. DECANO,

D E
PANCREATIS
MORBIS,

P R O
GRADU DOCTORALI

M. Decembr. M DCC XIII. publice disputabit
hor. consuetis

CHRISTOPHORUS BARTHOLOMAEUS
HOLDEFREUND,
QVEDLINBURGENSIS.

HALÆ MAGDEBURGICÆ,
Typis Johannis Jacobi Krebsii, Acad. Typogr.

LECTORE MAGNIFICENTISSIMO
FRANCISCO XAVIERE DE DOMINGO
D. O. M. I. N. O.

ALEXANDERICO WILHELMO
THEOPHILUS MAGNIFICENTISSIMO
HONORIS DOCTOR

ALBERTICO HORMANNUS
ORDINIS THEOLOGICI DEGRADO

ANNORE
MORBI

GRADU DOCTORALI

THEOPHILUS MAGNIFICENTISSIMO
HONORIS DOCTOR
ORDINIS THEOLOGICI

THEOPHILUS MAGNIFICENTISSIMO

HONORIS DOCTOR



DISSERTATIO SOLENNIS MEDICA,
 D E
 MORBIS PANCREATIS,

P R O O E M I U M.



IN morborum curationibus plurimum sibi vindicare diligentem unius cujusque temperaturæ & causarum morbum continentium notitiam solertiores Medicorum omni tempore communi suffragio tradiderunt, neque id sine ratione. Quandoquidem perfecta morborum sanatio non alia ratione perficitur quam ut peculiaris cuivis individuo proprius fluidorum motus ac circulus, neque minus morborum genuinæ causæ exacte explorentur, atque iis idonea auxilia remediaque opponantur. Ideoque unice enitendum esse practico Medico cui hominum salus ac valetudo curæ cordique est, videtur, ut, qua fieri potest solertia ac

cura, cujusvis mali causam inquireat, ejusque sedem ac domicilium, diligenter persequatur. Neque vero sufficit, causam, quæ dicitur proxima morbi nosse, sed inquirere quoque convenit, in quo viscere, in qua parte suam fixerit sedem. Rarius enim præsertim in morbis chronicis solidas partes visceraque sine labe ac vitio inveneris, utpote quæ progignendis longis & rebellibus morbis aptissima sunt. Cujus asserti veritatem comprobatur plenissime nunquam satis laudanda anatomica inspectio morbo extinctorum, quæ affectuum non modo naturam ac locum sed & funestas læsiones apertissime oculis exponit: Etenim Anatome dicente *Montano* Alphabetum Medicinæ est, quo tanquam fundamento neglecto, reliquum etiam ædificium necesse est, corruat, cum absque eo nec partes nec partium functiones neque proinde earundem læsiones cognosci aut discerni commode possunt. Optandum itaque vehementer foret, ut cadaverum, quocunque etiam morbo perierint sectiones essent frequentiores, ita enim futurum credimus, ut ad longe majorem perfectionis gradum ars nostra salutaris posset accedere. Nobis jam, Deo Auspice, propositum est, mala, quæ ex vitio ac læsione pancreatis, teste anatome, corpori succrescere possunt, eo, quo fieri poterit compendio thematis inauguralis loco indagare. Equidem obscurum esse nequit, quibus fatis superiori ævo hoc viscus fuerit obnoxium, ubi ejus succi tanta dignitas utilitasque asserta fuit, præeunte præsertim Magno Medico *Sylvio*, ut non modo universi corporis sani-

tas

tas omniumque ejus partium incolumitas sed & morborum præcipua causa ac sanationis ratio magno labore inde fuerit deducta, utpote hic solertissimus Vir ex bilis & succi pancreatici temperie & commixtione decenti sanitatis præcipuum negotium explicavit & ulterius quoque ex eorundem intemperie multos & magnos morbos præcipue, qui in primis sic dictis viis & genere nervoso consistebant, deduxit. Enim vero quanto applausu, ut in lucem hæc prodiit sententia, fuerit olim excepta, tanto etiam consensu brevi tempore destituta atque repudiata fuit usque adeo, ut quia mortalium indoles rarius modum tenere scit, cum olim in omnibus fere morbis increparent pancreas ejusque succum, nostro tempore in recensendis morborum causis & locis plenaria fuerit ejus facta oblivio. Re interim paulo diligentius examinata utique animadvertimus & hoc nobile viscus suos patimanes, ejusque vitia non minima esse & frequentius occurrere, quam Medicorum, hodierna fert opinio. Hæc etiam fuit causa quare hunc laborem susceperimus demonstraturi, qui morbi & quæ læsiones ex pancreate male affecto in corpus nostrum possint redundare. Summum vero Numen supplices obtestamur, ut felicem ac rei Medicæ salutarem jubeat hunc nostrum conatum.

§. I.

Inquisituri itaque morbos vitiaque, quorum sedes pancreas est, necessum omnino arbitramur, ut priusquam altius nostrum propositum persequamur, ex ipsis anatomicis paulo

diligentius pancreatis structuram & fabricam ac ex hac denique ejus usum & statum naturalem proponamus. Glandulam esse Pancreas & ex earum numero quæ conglomeratæ appellantur i. e. quæ ex innumeris parvis glandulis compositæ sunt, ubi singulæ suum peculiarem ductum, qui tandem conjuncti, majorem constituunt, habent, res apud anatomicos inconfesso pæne est. Nemo quoque facile inficias ibit, pancreas glandulas ferme reliquas universi corporis omnes & magnitudine & mole superare. Neque enim mammarum glandulæ unius lateris a pinguedine separatæ tam ingentis molis sunt, ut pancreatis pondus superent, id quod manifestum exhibet indicium, singulari usu glandulosum pancreatis corpus esse instructum. Accedit ut plurimum ad 8. vel 10. digitorum transversorum longitudinem, latitudinem vero duorum digitorum cum semisse exhibet, crassitiem pollicis transversæ raro superat. Situm est maxima sui parte in hypochondrio sinistro atque circa primam lumborum vertebra peritonæi membranæ, qua investitur firmiter annexum est: cohæret arcte cum intestino duodeno & quidem magna ejus portione, adeo, ut non modo ventriculo sed & ipsi duodeno fulciendo & molliter calore suo subveniando idoneum sese præbeat. Denique communicat ipsum pancreas cum hepate per venæ portæ majorem ramum, connectitur quoque cum duodeno in quod succum illum, quem filtrat nobilem infundit, cum liene communicationem quandam habere videtur, quoniam arteria splenica æque sanguinem

ad pancreas ac ad lienem diversis ramis adducit; Venam vero a ramo Venæ portæ sinistro qui pancreati insertus versus lienem se extendit & illi hinc inde suas propagines transmittit, nanciscitur. Quare etiam liene adfecto vix aut nunquam pancreas, anatome id docente, integrum manet: communicat etiam, quamvis paulo remotius cum cerebro dum nervos ab octavo pari & intercostalis dextri plexu ganglioformi accipit, proximius vero, quoniam idem nervi in jecur duodenum & porum biliarium transferuntur, cum iisdem partibus fovet consensum.

§. II.

Pancreas diximus esse glandulam ex numero conglomeratarum: Non enim ignotum est, omnis generis glandulas in conglomeratas & conglobatas a *Graaffio* & *Stenone* dispesci, quarum priores congeries sunt innumerarum minorum glandularum, quarum unaquæque vase peculiari excretorio gaudet & hinc vasculosæ dicendæ. Conglobatæ vero magis fibrosæ sunt quia non tam secretioni sed potius motui & lymphæ progressioni impulsu, quo gaudent, velificantur. De structura vero glandularum, quæ conglomeratas constituit, non una eademque est Anatomicorum sententia. Subtiliores recentiorum asserunt glandulas esse membranarum tenuissimarum per quas vasorum tam arteriosorum quam venosorum nec non excretoriorum tubuli & fibrillæ nerveæ extensæ sunt, convolutiones & in spiram quasi complicationes, ubi excretorii ductus ab extremitatibus vasorum sanguifero-

ferorum oriuntur adeoque totas fere esse vasculofas. Cui invento maxime suffragatur *Vicusens in novo vasorum corporis humani systemate p. 212.* qui pancreas bene constitutum ex cadavere humano exemptum & propria membrana denudatum clavo affixum intra duodecim dies ita exsiccat, ut in corpus membranofum abierit, tenuissimas in membranas postea divisibile, has vero pellucas & microscopio perspectas ex arteriis venis & vasis lymphaticis conflatas apparuisse, arterias puniceo, venas nigricante, lymphatica subcinereo colore discerni potuisse affirmat. Ex hac itaque structura pancreaticis mere vasculosa evidentissime cognoscitur non secus ac in aliis glandulis conglomeratis succum separari, qui etiam per singularem ductum primum à *Mauritio Hoffmanno* inventum, postea à *Wirsungo* Patavii publici juris factum in sinum duodeni infunditur. Notatu vero perquam dignum est, quod in homine uterque ductus & cholodochus & pancreaticus concurrat, eorum denique orificia in unam papillam desinant, quæ directe fundo flexuræ duodeni, quod sæpius à nobis observatum, superposita est, adeo, ut guttatim in subjacentem chyli massam uterque succus invicem mixtus descendens instilletur. Multum enim ad boni chyli ulteriorem elaborationem horum duorum menstruorum subtilitas quin contribuat, nullum est dubium.

§. III.

Equidem veteres anatomici nullam hujus succi notitiam habuerunt, postea vero quam a re-

cen-

centioribus pancreatis ductus & succus fuerit detectus, variam indolem atque virtutem assignare contenderunt. Et primum tempore eo, quo doctrina de acido & alcali in medicinam introducta & magnopere æstimata fuit, quam plures, inter quos summi in Belgio Medici *Graaffius* & *Sylvius* primum sibi vendicant locum, ea fuerunt in sententia acidum hunc humorem esse, qui cum bile quam credebant alcalinam, effervescentiam ad chyli perfectionem in intestinis celebrare debeat. Quin imo ipse Cl. Sylvius huic effervescentiæ intestinali universæ tam theoriæ quam praxeos fundamentum unice fere, ut ejus monumenta testantur, superstruxit. Verum enim vero accuratiori postea facto examine non tantum pancreatis succum in corporibus sanis minime acidum sed plane insipidum esse, verum etiam & totum pancreas vesiculamque felleam in canibus salva vita excindi posse, deprehensum fuit. Quo factum, ut Sylvianæ hypothesei valde detractum ipsaque decremen- tum non minimum passa fuerit. Interea tamen negari neutiquam potest & biliosum, quem universum hepatis viscus fundit succum, & qui ex pancreate fluit, ad intimam alimentorum solutionem neque minus ad congruam cum succis corporis nostri lymphæ & sanguine efficiendam dispositionem multum utique conferre. Siquidem in pancreate non secus ac in glandulis salivalibus cum quibus maximam ratione structuræ hoc viscus habet affinitatem, succus valde subtilis ex partibus salino sulphureis aqueis & aëreis tenuissimis com-

B
posi-

positus separatur, qui propter summam, qua pol-
 let penetrantiam & expansivam elasticam vim, qua
 intima alimentorum subit, magnum microcosmi-
 cum menstruum constituit. Neque immerito e-
 jusdem cum saliva indolis & virtutis esse pancrea-
 tis liquor, id est, menstrualis penetrantis, fermen-
 tescibilis judicatur. Saliva videlicet tenuissimum
 quod est universi corporis elementum complecti-
 tur, imo ipso femine subtilior est: nulla ibi visitur in
 statu sano viscositas, vel gelatinosa & concrescibilis
 substantia sed tota aërea, spirituosa & elastica est,
 unde etiam non modo mire in vacuo ebullit &
 prompte dulcia in fermentationem conjicit, sed &
 in metalla & mercurium operatur, & si jejuni ho-
 minis fuerit lichenes, impetigines penetrante sua
 vi sanat. Est itaque non modo saliva in ore & succus
 ventriculi pariter ac glandularum intestinalium sed
 & pancreatis liquor genuinum alimentorum men-
 struum, quo ipsorum intima mixtio ac crasis intime
 dissolvitur, quod patet ex eo dum sapor, odor, con-
 sistentia ciborum pristina plene deletur atque im-
 mutatur. Quum enim diversissimæ indolis sole-
 ant esse ingesta, opus utique erat, menstruo sim-
 plicissimo eoque valde activo & quasi universali:
 quod omnes poros penetraret & intestina elastica a-
 gilitate unionem partium mixtionem constituentium
 discerperet. Rectissime itaque recentiores
 succum pancreatis id præstare in intestinis quod
 efficit saliva in ventriculo asseverarunt. Ex quo
 jam facile intelligitur, utique ejus succi & hujus vi-
 sceris adfirmandam valetudinem maximam esse u-
 tili-

tilitatem, præsertim cum duodenum nil aliud quam alter & succenturiatus sit ventriculus, cujus asserti veritas clarissime à D. Præside in *Dissert. de Duodeno multorum morborum sede est evicta.*

§, IV.

Notabile vero est, quod in homine hi duo diversi succi bilis nempe & pancreatis succus ante ingressum in intestinum prius invicem misceantur, quæ mixtura ut ita loquar simplex, temperatior facta naturæ nostræ valde congrua videtur. Homo quippe omnium fere animantium est calidissimus & propter frequentem calidorum usum ut vini, aromatum & potus spirituosus, carniū quoque, quæ multum sulphuris & salis volatilis habent, sanguinem præcalidum, qui intensum fervorem, ut patet in febribus, concipit, invenis foyet; Quare etiam bilis, qui liquor est valde sulphureus in homine, calidior & acrior esse solet. Ne itaque nimis acris bilis nimis celeriter ciborum massam ex intestinis præcipitet, neque etiam ipsorum tunicas valde sensiles offendat, provida natura sapientissimo consilio hunc acrem succum alio insipido mitigat ac temperat; quo fit, ut blandior minusque acris vel fervida fermentatio in intestinis celebretur. Ex hisce jam perspicua fit ratio, quare bilis, facta majori per iram affusione vel pancreate obstructo vomitus biliosi & alvi fluxus frequentiores fiant: quorum etiam spectat elegans *Observ. Cl. Brunneri in libro de experimentis circa Pancreas c. IX.* ubi fatetur quod canes, qui obierunt pancreate adempto, vomitibus biliosis finem vitæ fecerint.

§. V.

Ex supra jam dictis atque expositis clarissime intelligitur primo pancreatis structuram esse ex innumeris minimis capillaribus vasculis tam arteriosis quam venosis & etiam excretoriis, contextam, quod non modo glandularum fabrica sed & ipse succus subtilissimus omnis viscositatis expers declarat, secundo hujus succi utilitatem in elaborando bono & temperato subtili chylo, bile contemperanda & intestinali motu ac tono secundum naturam conservando esse maximam. Qua de causa præter naturalem pancreatis ejusque succi constitutionem mirifice valetudinem turbare & morbosas affectiones progignere posse, evidentissime colligitur. In genere vero sciendum est, omnes fere morbos, qui aliis glandulosis corporibus sunt frequentes ac familiares pancreati esse communes.

§. VI.

Inter hos primum sibi vendicant locum tumores qui per frequenter in glandulosas partes incidunt. Quid enim facilius est, quam quod in angustissimis tubulis ac vasculis humor hæerere, stagnare, coire eaque obstruere possit, unde tumor & durities nascitur. Mirum vero est, quemadmodum minoris alias molis glandulæ ut sunt sub axillares, inguinales, glandulæ colli, valde intumescere inque ingentem tumorem attolli possint; Cujus rei exemplum etiam testes præbent, qui non nisi congeries minimorum vasculorum sunt & ita sæpius intumescunt ut pugni magnitudinem exsuperent. Accidit hoc dubio procul, quod materia stagnans in tubulos

for-

fortiori impulsu adacta eos supra modum distendat. Jam vero nil frequentius fit, quam quod insignis tumor in pancreatis glandulam incidat, quod observationibus anatomicis subinde perspectum est. Neque, ut quasdam hanc in rem notabiles historias afferamus injucundum & ad scopum nostrum inutile fore judicamus. Primum vero prodeat *Steph. Blancardus* qui in *Anat. pract.* hanc observationem insinuat. Vir 40. annorum ab annis tribus cruentis & atrocissimis rerum ac dorsi doloribus vexatus & inter mingendum arenulas rubras ejiciens subinde vomitus gravissimos habuit, & tandem his revertentibus demortuus exhibebat pancreas longitudinis duarum spatularum & latitudinis duarum manuum transversarum. In melancholicis pancreas ad ingentem molem assurrexisse notavit *Riolanus* in *Anthropog. L. II. c. 16.* Neq; lectu injucunda est, quam tradit *Harderus* in *Misc. N. C. Dec. II. Ao. VI.* historia. Fœmina videlicet 50. annorum doloribus circa præcordia gravissimis conflata ventriculi regionem admodum distentam habebat, atque circa ejus fundum corpus magnum & durum persentiens, quod a sinistris dextrorsum & ab hinc sinistrorsum sensim protrudere potuit, malo per aliquot annos vexata fœmina, remediis liberari potuit nullis, morte tandem victam cultro aperuit idem *Cl. autor*, vidit jecur pallidum non nihil ad duritiem inclinans, mesenterii vero glandulas scirrhasas fere ad unum omnes, & tandem cum tumorem magnum quæreret, pancreas sese exhibuit tantæ magnitudinis, ut penitus tumore suo spatium abdominis & ventriculi fundum impleverit.

rit. Neque hanc in rem aliena videtur *Zwingeri observatio* quam videsis in *Miscell. N.C. Dec. II. Ao. VI. p. 91.* utpote qui refert in maniaco per 30. annos hoc malo detento hepar & lienem non multum vitiatum apparuisse, pancreas vero magnum & glandulosum reperisse, exacte referens pancreas vituli elixatum.

§. VII.

Neque vero tantum propter obstructos & infarctos pancreatis tubulos ipsum more aliarum glandularum multum intumescit : verum etiam interveniente tempore durum & scirrhosum evadit unde contumacium & sævorum morborum origo. Referunt *Misc. N. C. Dec. II. Ao. II. obs. 71.* in puella duorum annorum atrophica lenta demortua, glandulas non modo mesenterii scirrhosas, hepar insignis magnitudinis, vasa lactea obstructa sed & lienem & pancreas indurata inventa fuisse. Simili ratione *Cl. Schelhammerus*, ut testatur in *Misc. N. C. obs. 88. A. II. Dec. III.* in cadavere infantis 6. annorum atrophica extincti totum pancreas scirrhosum ac durum annotavit. Est nempe infantibus atrophica perquam familiaris, sive in statu lactationis sive extra eum fuerint ; nihil enim tam promte minimos vasorum tubulos occludit quam lactis caseosa materia : Et quia paulo adultiores facti adiphagia laborant & vitæ otiosæ indulgent, non mirum est à copia succi nutritii lentescenti sensim paulatimque abdominis viscera, quæ non nisi congeries sunt minimorum vasorum, ut hepar & pancreas, obstrui atque intumescere, quo fit, ut non modo impuritas ingens succorum qui præesse nutritioni

& a-

& aliis corporis actionibus nequeunt, succrescat.

§. VIII,

Præterea veterem ac invincibilem pancreatis obstructionem asthmae & phthiferos tandem causam fieri ex variis observationibus compertum habemus. Ita *Cl. Schröckius* in cadavere phthifidemortuo totum pancreas vidit scirrhosum, quod legitur in *Misc. N. C. Dec. III. Ao. III. p. 317.* *Cl. Vaterus* quoque in anatome phthifici & insimul cachectici rigidum, scirrhosum pancreas reperit: qua de re consuli possunt *Misc. N. C. Dec. III. Ao. VII. obs. 146.* Huic quam proxime accedit sequens observatio, quæ legitur *obs. 188. Dec. III. Ao. III. Misc. N. C.* in anatome phthificæ pancreas totum scirrhosum inventum, pulmones habuere tubercula dura & vesiculæ pus album crassum fundebant: hepar quoque scirrhosum fuit, post morbillos successit hic morbus. Testatur quoque *Steph. Blancardus* in viro, quem phthisis e medio sustulit, se hepar scirrhis putridisque tuberculis refertum invenisse in *l. c.* Referunt identidem curiosa hæc *Misc. Dec. III. Ao. III. obs. 15.* In anatome studiosi phthisi pulmonali & cachexia interempti, pulmonem scirrhosum & sinuosum, hepar tumidum pancreas rigidum & scirrhis conspicuum notatum fuisse. Neque desunt rationes, cur ex pancreatis vitio nasci possit phthisis; utpote hæc à tuberculis scirrhis, quæ partem pulmonum occupant & successive in exulcerationem abeunt plerumque fovetur. Quodsi vero succus ille elasticus pancreatis fermentescibilis, qui chylo subtilitatem conciliat ob pancreas obstructum deficiat

ficiat vel degener factus fuerit, inde fit, ut succus chylosus admodum viscidus, rudis, ac crudus evadat, qui postea tenuia pulmonum vascula per vesiculas aëreas dispersa facile replens & occludens tubercula scirrhusa pulmonibus ingenerat: quæ tandem aperta & exulcerata instar canceri serpunt, & ingentem sæpe pulmonum substantiam funesta ratione consumunt.

§. IX.

Docent quoque frequentes sectiones gravem ascitidis morbum, qui plerisq; quos corripit, est exitiosus, neque minus cachexiam quæ prodromus ascitidis esse solet, à pancreate obstructo & scirrhuso admodum foveri. Memorabile est *Cl. Harimannum*, ut testantur *Misc. N.C. Dec. II. A.V. p. 138.* in viro anasarca defuncto, pancreas longitudine quadrantis ulnæ, duorum digitorum transversorum crassitie, gibbosum ab una, ab altera simum, solidum, durum, grandinosum invenisse, hepar vero quod miratione dignum & magnitudine & colore & substantia sanum. Idem laudatus *Autor l.c.* in alio subjecto 52 annorum ascitico renes scirrhusos, pancreas insolitæ magnitudinis totum scirrhusum, itemque hepar durum reperit. Et rursus aliam insinuat observationem, ubi simili ratione in ascitico pancreas durum lienem scirrhusum & vesiculam fellis non bile sed lymphâ turgidam annotavit. Id ipsum quoque deprehensum fuit à Celeberrimo autore in alia ascite mortua, ubi pancreas grandinosa duritie ita præditum fuit, ut fieri haud potuerit quin stylus ductui Wirfungiano immissus, versus pancreas adigeretur.

§. X. Pan-

Pancreatis obstructionem & indurationem viam ad hydropem pandere, non mirum est, siquidem hujus mali non alia causa est, quam quod sanguinis crudioris admodum tarda progressio & circulatio per hepatis viscus propter venæ portæ, quæ sanguinem impellere debet, deficientem pulsum fiat, quare ejus stagnatio & regurgitatio non modo minimos hepatis tubulos obstruit, sed & causa infarctus vicinorum viscerum, ut lienis & pancreatis existit. Cum vero lymphæ promptus progressus & circulatio a sanguinis circulo pendeat, hinc non potest aliter fieri, quin a sanguinis motu per hæc viscera intercepta lymphæ nimium in ejus vasa congeratur quæ, tandem nimia distensione dirumpuntur, unde lethalis fere in cavo abdominis fit extravasatio.

§. XI.

Scirrhus pancreatis præsertim ubi duodeno firmiter jungitur continuæ & tandem funestæ vomitionis identidem causa esse potest, testante id *Cl. Hardero obs. 62.* ubi notat historiam hominis vomitu perpetuo per mensem ante obitum conflictati, qui colico cruciatui successerat, ubi facta sectione pylorus præsertim in orificio prædurus & ferme cartilaginofus fuit repertus, cui subjacebat pancreas durum ac scirrhusum adhærescens quod ipsum comprimebat. Et hæc quoque dubio procul est causa, quod *Pancerolus in obs. Pentecost. obs. 44.* à pancreate lapidoso in vetula quotidianum vomitum post prandium & cœnam conspexerit. Hujus vero mali causa non altius quærenda est, si quidem vel angustato aut compresso pyloro exitus & transi-

tus liber massæ ciborum intercluditur, unde fermentatio alimentorum in ventriculo diutius hærentium non modo intenditur, & flatuum est origo: sed & mora massa ciborum acrior reddita detrum orificium ventriculi hujusque fundum, qui maxime ob fibrarum ibi ingens existens robur & copiam tono & motu gaudet valido, ad vomitionem sollicitat.

§. XII. Neque minus induratum & obstructum pancreas hypochondriaco sic dicto affectui, perpetuis n.p. intestinorum flatulentis & melancholiæ admodum lenocinatur. Extra dubium esse arbitror, spasmos & flatulentias illas, quæ mira in hypochondriacis excitant symptomata, potissimum in toto alimentorum & excrementorum canale, qui propter sensibiles valde membranas consensum fovet cum toto nervorum genere, sedem suam habere, utut subjectum causæ alibi & maxime in hepatis, lienis, pancreatis, mesenterii & earum partium, quæ cum vena portæ communicant, constitutione præternaturali quærenda sit. Quod si enim hepar & pancreas sanguine crasso obstructa & infarcta sint, fieri aliter nequit, quin catholica hæc & summæ activitatis ac utilitatis menstrua microcosmica, quæ pro universo corpore aptos succos præparant, videlicet bilis & pancreaticus succus vitientur, unde chylicatio depravatur, tonus intestinorum pervertitur, fermentatio in ventriculo & duodeno flatuum præcipua genetrix præternaturalis fit. Sicuti enim à lymphe gastrica & pancreatica nec non bile secundum naturam sese habente blanda & moderata massæ ciborum in duodeno & reliquis intestinis intima fit solutio & fer-

fermentatio: ita si bilis nimis acris, pancreaticus vero succus acidior & pituita viscida fit, fortis & acris emergit fermentatio, unde ingens flatuum oritur copia. Quod si enim in pituitam viscidiorē menstrua hæc elatere suo agant, horribilis flatuum fit proventus, à quibus tot rugitus, borborygmi, murmillantes sonitus, fluctuationes, tot anxietates, dolores tensivi, punctorii, tot ructus fiunt. Igitur frequentissime in malo hysterico chronico, quod non nisi affectio hypochondriaca est, neque minus in passione illa virorum flatulenta, quæ morbus hypochondriacus audit, vitio & obstructione pancreas laborat. Habemus aliquot sectionibus comperitum, ubi hypochondriaci perierunt cachectici & pancreas scirrhusum deprehensum fuit quod aliquot ante annos in viro hujus urbis primario visum fuit. *Highmorus Disquisit. Anat. p. 47.* fœminam refert convulsionibus, epilepsia, & passione hysterica conflictatam quæ post mortem pancreas male affectum & ulceratum exhibuit. Similem recenset historiam *Harderus obs. 59. p. 242.* Fœmina, inquit 40. annorum per menses duos, assidue conquesta fuit de ventris cruciatibus adeo, ut motus in ventre fuerit perceptus quasi infantis subsilientis cum frequentibus nauseis, animi deliquiis, lumborum doloribus, nec non coxendicis, in sectione hepar fuit deprehensum ex succum, friabile, putridum, innumeris abscessibus farctum, pancreas totum scirrhusum & magna quantitas calculorum majorum & minimorum in vesicula fellea, unde dubio procul motus intestinorum spasmodici fuerunt oborti ab acri ichore fibras nerveas intestinorum misere exercente. Cui & illa addenda, quam videre licet. *p. 297. obs. 91. in supra*

pra citato *Cl. autore*. Fœmina 50. annorum doloribus circa præcordia gravissimis conflictata, ventriculi regionem distentam atque circa ejus fundum corpus durum habente, pancreas insigniter scirrhusum & magnum tumorem præ se ferens, imo & pylorum scirrhusum invenit, & quoniam melancholia plerumque solet esse foetus affectus hypochondriaci, hinc non mirum, quod in melancholicis *Riolanus in Anthrop. L. II. c. 16.* pancreas ad ingentem assurrexisse magnitudinem ac molem deprehenderit idque præsertim in Augusto Thuano, in quo etiam scirrhusum fuit. Cum denique melancholia facile transire potest in maniam, hinc teste *obs. Cl. Zwingeri Misc. N. C. Dec. II. A. VI. p. 543.* in maniaco 20. annorum pancreas magnum & nullum vestigium ductus pancreatici potuit reperiri, quod etiam factum est in phrenetico, de quo scribit *Hartmannus in iisdem Misc. Dec. II. A. V. p. 120.*

§. XIII.

Quemadmodum vero aliarum glandularum tumor non raro in abscessum, corruptionem & exulcerationem transit, ita etiam eidem fato obnoxium esse ipsum pancreas variæ historiæ loquuntur. Memoratu digna est historia, quam refert *Blancardus in Anat. pract.* de viro nobili cruentis renum ac dorsi doloribus detento, qui pancreas inflammatum & multo pure plenum habuit. Præterea de alio viro mentionem facit, qui identidem de maximis doloribus circa lumbos conquestus est, & post mortem pancreas insolitæ magnitudinis & infimul inflammatum, putridum & canerosum exhibuit, ac regio circa spinam venamque cavam corrofa fuit, quæ mala omnia ex obstructione glandularum pancrea-

creatis ortum traxerunt, ex hac enim inflammatio
& ex illo cancer prodiit, ut postea renes venaque ca-
va sphacelo & putredine fuerint corrupta. Scir-
rhum degenerare sæpe in ulcus depascens, quotidiana
loquitur experientia, unde etiam non mirum
pancreatis scirrhum in putridum & cancrosum to-
tam pancreatis substantiam depascens ulcus abire.
Ita innumerabiles fere prostant historiae, ubi post
mortem corruptum fuit inventum. Et ut brevi-
tati consulamus, per pauca saltim proponere placet.
Jo. Manardus Vorwaltnerus in anatomia viri vomito-
rio sublato, pancreas totum purulentum & lacera-
tum invenit *Misc. N. C. Dec. III. A. VII. obs. 143.* Idem in
arthritico pancreas putridum & corruptum obser-
vavit *l. c. p. 147.* *D. Anhorn* in puella ex abscessibus in-
ternis defuncta pancreatis quasi elixati & corrupti
invenit vestigia *vid. Misc. N. C. D. III. A. IV. p. 164.* Ne-
que prætereundum hic est, quod *Dn. Herdot. Dec. I.*
A. I. obs. 99. Ephemer. annotavit, cancrosum nempe
ulcus pancreatis duas spithamas longum & duas
transversas manus latum, quod non solum corrosi-
vo acido diaphragma perforavit, sed & spinam dorsi ac
ipsam venam cavam arrosit, vidit. Et quoniam ulcus
tale cancrosum totam substantiam partium confu-
mere solet, hinc evenit quandoque, ut nullum fere
vestigium pancreatis in dissectione reperiatur, de quo
meretur legi *obs. 156. Dec. II. Ao. VIII.* Ubi anatome hy-
dropici nullum fere pancreatis vestigium exhibuit.

§. XIV.

Consideravimus hætenus varia vitia pravas-
que affectiones, quibus pancreatis viscus patet, &
quæ mala inde in œconomiam corporis nostri vita-
lem redundant, jam vero res & ipse ordo poscit ut

majori cum cura causas pancreatis morborum inquiramus, & idonea quoq; hisce removendis remedia proponamus. Fusius supra deduximus vitia fere omnis generis quæ in pancreas incidunt ex minimorum, quibus constat, tubulorum obstructione nasci. Ex quo jam satis, ut arbitror, constat, ea omnia, quæ fluidis lentorem ingenerant, eorumque motum & circulum minuunt, horum malorum generationi velificari. Quid vero plethora & quæ ex hac sequitur pressio pede cacochymia, nimiaque sanguinis & humorum spissescencia id magis efficiat, equidem non video: Sicuti enim vitæ ac sanitati in universum nihil abundantia nimia humorum est magis inimicum, ita maxime singulæ partes visceraque multum damni inde experiuntur. Excessiva enim fluidorum moles, quæ moveri debent, mirifice vim, motum ac tonum solidorum minuit, unde tardior eorum fit circulus, major humorum crassities, & inde major ad obstructiones proclivitas. Quanto vero magis nimia voracitas, sedentaria sine motu ac exercitio vita, venæ sectionis consuetæ neglectus sanguinis generationi favet, tanto majori cura hæc omnia evitare oportet, nisi longas & contumaces corpori velimus inferre affectiones.

§. XV. Denique quemadmodum ad obstructiones, quæ foecundæ morborum genetrices sunt, viscerum firmandas, nihil aëre & potu frigido aptius est, ita maxime omnium glandulosa corpora & præcipue pancreas damnum & pœnas inde suas perluunt. Quid enim in praxi frequentius visitur, quam quod à potu liberalius hausto frigido, postquam corpus in caluerit vel iracundia excanduerit, immedicabile sæpe in viscera vitium transeat? hoc vero unice ab ob-

structione eorum subito facta dependet; Postea imprudens medicatio & præpostera opiatorum vel acrium purgantium nimis repetita applicatio, aut adstringentium in hæmorrhagiis vel aliis humorum profusionibus perversus usus mirifice & intestinorum & aliorum viscerum tonum destruit, & firmiorum obstructionum fundamentum constituit. Neque melioris sunt indolis ea, quæ nimis præmature febrium impetus coercent, quo nomine nostris temporibus china chin. est celebratissima, utpote quæ adstrictione causam non modo febris, sed & excrementitias sordes, in quas febrili calore ipsi humores resolvuntur, intra corpus retinent & obstructionibus progignendis aptissimam materiam subministrant. Accedit & hoc, quod cum adstringentium diversa admodum ratio sit, quod abdominis viscera præsertim, hep. par, lien, & pancreas sæpe numero, fixato ibi humore, in graves obstructiones incurrant, unde non mirum, cachexiam malum hypochondriacum, anasarcam, ascitem, lentamque febrem imprudentem febrium per adstringentia curationem subsequi. Neque dubium est, si conjecturæ prudenti locus, quin pancreas propter angustas, quas habet vias, longe magis præ hepate & liene obstructionibus sit expositum.

§. XVI. Habemus vero diuturno experimento compertum, quod à sanguinis menstrualis in fœminis, in viris hæmorrhoidalis consveta evacuatione diu inhibita, præsertim ingenti tristitiâ comite, glandulas mox increfcere inque cancerum sæpe scirrhum, id quod in mammis haud raro videtur, degenerare. Quidni etiam eadem causæ simile quid in pancreate efficere possint, nihil video, quod obftet. Quare etiam perspicuum est, diuturnum mœrorem contumacem hæmorrhoidum vel mensium suppressionem longas & contumaces adfectiones ingenerare. Et ut paucis rem expediamus, nullus fere, qui longius & gravius affligit corpus morbus est, qui non altas in visceribus obstructis præsertim hepate, liene, & pancreate egerit radices. Videmus quidem pancreatis ab auctoribus, ubi causæ morborum exponuntur nullam fere amplius mentionem fieri, sed solum hep. par & lienem inculpari, cum tamen anatome morbis chronicis defunctorum omnium, salvis sæpe intactisque liene ac hep.

hepate, pancreas maxime gravi vitio laborare, luculenter ostendat.

§. XVII. Ex quibus jam satis, ut arbitror, intelligitur, quod, cui sanum corpus & commodam valetudinem conservandi antiquissima cura est, illi maxime enitendum sit, quo omni solertia ac arte obstructions viscerum ac præcipue pancreatis, magnorum morborum genetrices præcaveat. Ita enim nemo non à longis & gravibus passionibus erit tutus. Pauci vero sunt & Medici, & alii hujus scientiæ expertes, qui id curant idque cogitant. Pauci etiam sunt, qui intelligunt, magnorum morborum parva & fere insensibilia esse & fieri initia, & per pauci quoque convenienti auxilio, remedio apto levibus hisce initiis succurrere norunt. Neque enim, negari potest, gravissimis morbis, ut hydropi, phthisi, hæticæ, in principio posse resisti, qui, si postea incrementum sumserint omnem artem medentis eludunt. Principium vero difficulter cognoscitur & ingravescenti sæpius nimis fero medicina quæritur.

§. XVII. Quæ cum ita sint, optima certe ratione valetudini suæ consulere videntur, qui, ut à periculo obstructionum, quæ consistunt in visceribus permaneant tuti, temperantiæ victus student, neque multis cibis eisque diversis replent ac fatiant corpus & ad minimum motus ac ingestorum habent æquilibrium, qua de re consuli potest *D. Præsidis Dissertat. de septem legibus sanitatis*. Utile quoque est plethoram vel sanguinis missione vel evacuatione per alvum vel transpiratione aucta omni tempore minuere, vel præcavere. Et ne obstructionum fiat metus, infusis calidis Thee aliarumque herbarum, frequentius utendum, ita enim mobiles & fluidi manent humores neque facile in iis crassum coit, atque concrevit. Et quoniam alcalia tam terrea quam salia fixa & volatilia neque minus aromatica & balsamica, debitâ dosi oblata, viscidum & acidum, quod prompte humores coagulat, egregie remonent, & celerem efficiunt sanguinis progressum, hinc horum usus tam præservationis, quam curationis causa debet esse commendatissimus. Coronidis loco adjicimus, quod major spes in præservando quam in curando posita sit, si velimus evitare magna omnia pericula, quæ nobis ab obstructis & læsis visceribus imminet.

Quibus pro præstito nobis auxilio Deo summas
dicimus gratias.